

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo privrede



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство привреде

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Economy

Tuzla, Aleja Alije Izetbegovića 29, tel.: +387 35 369-327 fax.: +387 35 369-332 e-mail: mp@tk.kim.ba web: vladatk.gov.ba, strategijarazvoja.tk.gov.ba

SMJERNICE ZA UKLJUČIVANJE U PROJEKT

za

JAVNI POZIV

**za odabir korisnika grant sredstava
„Podrška razvoju Kantona“ za 2022. godinu**

„Subvencije za podršku obrtničkim komorama i udruženjima obrtnika“

Tuzla, juni 2022. godine



SVRHA PROJEKTA

Sufinansiranje implementacije projektnih aktivnosti obrtničkih komora i udruženja obrtnika namijenjenih razvoju i afirmaciji obrta, aktivnosti na promociji obrtništva u obrazovnim institucijama, interesnog umrežavanja obrtnika, organizovanog zastupanja interesa obrtnika na zajedničkom tržištu, edukacije članova komore i udruženja, organizovanju obrtnika u cilju promocije i jačanja obrtništva i srodnih djelatnosti, organizacije aktivnosti iz područja obrazovanja i osposobljavanja za potrebe obrtništva propisane Zakonom o obrtu i srodnim djelatnostima („Službene novine Federacije BiH“, broj: 75/21).

KATEGORIJA KORISNIKA SREDSTAVA

Udruženja i komore koje svojim projektima promovišu i potiču razvoj poduzetništva i obrta u Tuzlanskom kantonu i imaju najmanje 1 (jednog) zaposlenog.

USLOVI ZA DODJELU SREDSTAVA

Uslovi koje korisnici moraju ispuniti za dodjelu sredstava su da:

- djeluju u skladu sa Zakonom o obrtu i srodnim djelatnostima FBiH („Službene novine FBiH“ broj: 75/21);
- su registrovani i imaju sjedište na području Tuzlanskog kantona;
- realizuju programe/projekte od interesa za Tuzlanski kanton;
- dostave projekat čiji je cilj u skladu sa namjenom definisanom u poglavlju „Svrha projekta“ ove Smjernice;
- uredno izmiruju direktne poreze, doprinose za PIO/MIO i zdravstveno osiguranje;
- su opravdali ranije dodijeljena finansijska sredstva od strane Ministarstva privrede;
- do sada nisu ostvarili finansijska sredstva za predloženu namjenu iz drugog izvora.



KRITERIJI ZA RASPODJELU SREDSTAVA:

| OPIS | | BODOVI | IZVOR VERIFIKACIJE |
|------|-----------------------------------------------------------------------------------------------------------------------------------------------------------|---------------------------------------------------------------------------------------------------|-------------------------------------------------------------------------------------------------------------------------------------------------------------------------|
| 1. | Kvalitet projekta | Projekat promoviše obrtništvo u obrazovnim institucijama | max. 5 bodova |
| | | Teritorijalna zastupljenost projekta u smislu broja učesnika sa određene teritorije (općina/grad) | max. 3 bodova |
| | | Projekat daje podsticaj mladima (starosti između 15-30 godina) za biznis | max. 5 bodova |
| 2. | Broj krajnjih korisnika | max. 5 bodova | Izjava o broju krajnjih korisnika |
| 3. | Saradnja sa komorama, udruženjima i obrazovnim institucijama u zemlji i okruženju do 2022. godine | max. 5 bodova | Potvrda o saradnji |
| 4. | Finansiranje programa/ projekta iz drugih izvora u odnosu na ukupnu vrijednost projekta, izuzimajući vlastita sredstva i sredstva tražena od Ministarstva | max. 5 bodova | Zahtjev za uključivanje u projekat sa obrascem projekta sa podacima iz budžeta sa jasno definiranim izvorima sredstava; Dokaz o obezbjeđenju sredstava iz drugih izvora |
| 5. | Dosadašnji poticaji od strane Ministarstva privrede Tuzlanskog kantona (za period 2019 - 2021. godina) | max. 5 bodova | Zahtjev za uključivanje u projekat sa obrascem projekta; Baza podataka Ministarstva privrede TK |



IZBOR KORISNIKA

Izbor korisnika grant sredstava vrši Komisija za odabir korisnika sredstava. Komisiju za odabir korisnika sredstava imenuje ministar privrede u Vladi Tuzlanskog kantona.

Komisija, na osnovu kriterija za bodovanje vrši bodovanje prispjelih prijava koje ispunjavaju uslove iz Javnog poziva i sačinjava Preliminarnu rang listu korisnika sredstava sa pozicije „Podrška razvoju Kantona“ za 2022. godinu.

Komisija takođe sačinjava i Listu podnosilaca čije su prijave neblagovremene, nepotpune i neosnovane koje se objavljuju na web stranici Vlade Tuzlanskog kantona.

Na objavljene liste svi kandidati imaju pravo prigovora koji se podnosi Ministarstvu u pisanoj formi, u roku od osam dana od dana objavljivanja listi na web stranici Vlade Tuzlanskog kantona.

Nakon isteka roka za rješavanje po uloženim prigovorima Ministar donosi Konačnu rang listu korisnika sredstava sa pozicije „Podrška razvoju Kantona“ za 2022. godinu, koja se objavljuje na web stranici Vlade Tuzlanskog kantona: <http://www.vladatk.gov.ba/>.

Na osnovu Konačne rang liste korisnika sredstava Ministar donosi pojedinačne odluke o odobravanju sredstava korisnicima, sa kojima se potpisuju pojedinačni ugovori.

Na osnovu pojedinačnih odluka i ugovora doznačavaju se sredstva na transakcijski račun korisnika.

U slučaju jednakog broja bodova prednost ima kandidat koji je dobio više bodova po slijedećim kriterijima za bodovanje korisnika:

- a) broj krajnjih korisnika programa/projekta,
- b) finansiranje programa/projekta iz drugih izvora u odnosu na ukupnu vrijednost projekta, izuzimajući vlastita sredstva i sredstva tražena od Ministarstva

U slučaju da i nakon provedene procedure dodatnog bodovanja korisnici imaju isti broj bodova, konačnu odluku donosi Komisija za odabir korisnika nepovratnih sredstava sa pozicije „Podrška razvoju Kantona“.

IZNOS SREDSTAVA

Sredstva se dodjeljuju u traženom iznosu, a maksimalno po jednom korisniku do 10.000 KM (slovima: deset hiljadak konvertibilnih maraka).

Komisija će izvršiti raspodjelu sredstava u skladu sa ostvarenim bodovima podnosilaca prijava i u skladu sa raspoloživim sredstvima. U slučaju velikog broja prijava korisnika čiji zahtjevi prelaze planirani iznos sredstava, Komisija ima pravo raspodjeliti cjelokupan iznos srazmjerno broju prijava.



Troškovi koji se priznaju odnose se isključivo na direktne troškove nastale realizacijom namjene projekta.

Potrebna dokumentacija

- **Kopija** Rješenja o registraciji,
- **Original ili ovjerena kopija** Uvjerenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od tri mjeseca od dana podnošenja prijave,
- Referenc lista uspješno realizovanih projekata u zadnjih pet godina koja mora sadržavati: nazive realizovanih projekata i učesnika u projektu, vrijeme implementacije i vrijednost realizovanih projekata, te mora biti ovjerena i potpisana od ovlaštene osobe podnosioca prijave;
- **Original** Projekat sa projektnim aktivnostima,
- **Original** potpisana i ovjerena Izjava da do sada nisu ostvarili subvenciju/sufinansiranje/poticaj traženih finansijskih sredstava od Ministarstva, Vlade Kantona ili drugog izvora, za realizaciju predloženog projekta/programa,
- **Original** potpisana i ovjerena izjava koja sadrži broj krajnjih korisnika projekta za 2021. godinu,
- **Original** Potvrda o saradnji sa obrtničkim komorama/udruženjima/obrazovnim institucijama u oblasti poduzetništva i obrta iz zemalja okruženja do 2022. godine,
- **Original** potpisan i ovjeren budžet Projekta za 2022. godinu (koji jasno definiše izvore sredstava),
- **Kopija** Izvoda iz banke ili Odluke o dodjeli sredstava i sl., kao dokaz o obezbjeđenju sredstava iz drugih izvora,
- **Izjava o realizaciji projekta** (dostupna na web stranici Vlade TK uz Javni poziv),
- Izjava o de minimis pomoćima **potpisana i ovjerena od strane poslovnog subjekta** (dostupna na web stranici Vlade TK uz Javni poziv).

Navedenu dokumentaciju potrebno je priložiti uz Zahtjev za uključivanje u projekat sa obrascem projekta. Na kraju Zahtjeva obavezno navesti mjesto, datum i potpis odgovorne osobe, te staviti otisak pečata komore/udruženja.

Ministarstvo privrede zadržava pravo da od podnosioca zahtjeva zatraži dodatnu dokumentaciju kao i pravo provjere svih podataka navedenih u dostavljenoj dokumentaciji.



NAČIN PODNOŠENJA PRIJAVE

Prijave sa odgovarajućom dokumentacijom, šalju se preporučeno poštom u zapečaćenim kovertama ili lično na adresu:

**Ministarstvo privrede Tuzlanskog kantona
Pisarnica Vlade TK, Fra Grge Martića broj 8, 75000 Tuzla,
Ne otvarati – po Javnom pozivu za projekt “Subvencije za
podršku obrtničkim komorama i udruženjima obrtnika“**

Na poleđini koverte obavezno navesti:

- naziv podnosioca prijave;
- adresu i kontakt telefon;
- ovjeriti pečatom podnosioca prijave.

Prijave će biti odbačene i neće biti predmet daljeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove Javnog poziva.

PRAVO UČESTVOVANJA

Korisnici poticajnih sredstava koji do završetka ovog Javnog poziva nisu izvršili svoje ranije preuzete obaveze po osnovu korištenja poticajnih sredstava ovog Ministarstva, nemaju pravo sudjelovanja u ovom Javnom pozivu, odnosno njihove prijave se neće uzeti u razmatranje.

Podnosioci prijava mogu podnijeti prijavu **samo po jednom projektu** iz ovog Javnog poziva. U slučaju više prijava istog podnosioca po istom ili različitim projektima sve prijave će biti odbačene i neće biti predmet daljeg razmatranja.

IZVJEŠTAVANJE O UTROŠKU SREDSTAVA

Korisnici sredstava obavezni su dodijeljena sredstva koristiti namjenski i dužni su dostaviti izvještaj na propisanom obrascu „Format izvještaja“ sa kompletnom dokumentacijom kojom se dokazuje namjenski utrošak sredstava za cijeli projekat, bez obzira na izvor finansiranja, najkasnije u roku do 15 dana od dana okončanja projekta, odnosno od dana



isteka roka predviđenog za realizaciju programa/projekta definisanog u ugovoru koji potpisuje Ministarstvo sa krajnjim korisnikom.

Ministarstvo vrši nadzor namjenskog trošenja sredstava odobrenim korisnicima na osnovu dostavljenih izvještaja, a po potrebi i neposredno kod korisnika sredstava. Za tu namjenu kao polazište se koriste valjani izvori verifikacije navedeni u samoj prijavi.

U slučaju nenamjenskog utroška sredstava, Ministarstvo pokreće postupak za vraćanje istih.

Dokumentacija koja dokazuje namjenski utrošak sredstava mora biti u originalu ili ovjerenoj kopiji (ugovori, računi sa izvodom iz banke kao dokaz o izvršenom plaćanju računa i sl.).

Korisnicima poticajnih sredstava odobrenih od strane Ministarstva će biti priznate samo uplate izvršene nakon potpisivanja ugovora sa Ministarstvom.

Sa podnosiocima prihvaćenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.